

PEKELILING KETUA PUSTAKAWAN

Bilangan 01 Tahun 2020

PELAKSANAAN PENYAMPAIAN PERKHIDMATAN PERPUSTAKAAN TUN ABDUL RAZAK (PTAR) UNIVERSITI TEKNOLOGI MARA SEPANJANG TEMPOH PERINTAH KAWALAN PERGERAKAN (PKP)

1.0 TUJUAN

Pekeliling ini bertujuan untuk memaklumkan kepada semua warga UiTM mengenai pelaksanaan penyampaian perkhidmatan Perpustakaan Tun Abdul Razak, Universiti Teknologi MARA bagi sokongan terhadap pengajaran dan pembelajaran dalam tempoh Perintah Kawalan Pergerakan (PKP).

2.0 LATAR BELAKANG

Pekeliling ini merujuk kepada:

- i. Pekeliling Naib Canselor Bilangan 2 Tahun 2020 mengenai Arahan Pentadbiran Berkenaan Kawalan Dan Pencegahan Berkaitan Penularan Covid-19 Untuk Warga Universiti Teknologi MARA (UiTM) pada 13 Mac 2020.
- ii. Pemakluman Rasmi Ketua Pustakawan pada 13 Mac 2020 mengenai Pelaksanaan Perkhidmatan Perpustakaan secara atas talian melalui Perkhidmatan Perpustakaan Digital.
- iii. Perutusan YAB Perdana Menteri Perintah Kawalan Pergerakan bermula 18 Mac 2020 yang telah diumumkan oleh Perdana Menteri Malaysia pada 16 Mac 2020.
- iv. Arahan Majlis Keselamatan Negara (MKN) mengenai Perintah Kawalan Keselamatan
- v. Pekeliling Naib Canselor Bilangan 08 Tahun 2020 mengenai Pelaksanaan Penyampaian Dan Penilaian Pembelajaran Termasuk Kokurikulum Berikutan Penularan Wabak Covid-19 Dan Perintah Kawalan Pergerakan pada 25 Mac 2020.
- vi. Surat Ketua Polis Bantuan Universiti Teknologi MARA, Shah Alam mengenai Perintah Kawalan Pergerakan Covid 19 Fasa 3 bertarikh 15 April 2020.

Seterusnya, Pengurusan PTAR juga mengambil perhatian terhadap keputusan Mesyuarat Majlis Eksekutif Universiti (MEU) Bilangan 10/2020 pada 13 April 2020 bagi permohonan keperluan penggunaan bahan-bahan bacaan dan rujukan perpustakaan oleh para pensyarah pada tempoh Perintah Kawalan Pergerakan (PKP) ini.

Justeru itu, Pengurusan PTAR melalui Mesyuarat Jawatankuasa Pengurusan Dalam PTAR pada 14 April 2020 telah bersetuju dengan cadangan oleh pihak MEU supaya perpustakaan dapat memberikan perkhidmatan peminjaman bahan bacaan dan rujukan kepada para pensyarah bagi menyokong pengajaran dan pembelajaran dalam tempoh Perintah Kawalan Pergerakan (PKP) ini.

3.0 PELAKSANAAN

Sepanjang tempoh Perintah Kawalan Pergerakan ini, Perpustakaan Tun Abdul Razak, UiTM akan memfokuskan penyampaian perkhidmatan melalui dua (2) inisiatif iaitu perkhidmatan perpustakaan digital dan perkhidmatan peminjaman sumber rujukan bercetak.

3.1 Perkhidmatan Perpustakaan Digital

Perkhidmatan perpustakaan digital merupakan satu inisiatif PTAR ke arah memaksimumkan penggunaan teknologi maklumat (ICT) dan Internet (IoT). Kemudahan ini memberikan pelbagai manfaat kepada pengguna untuk mengakses bahan rujukan dan berhubung dengan perpustakaan *anywhere, anyone, anytime* terutamanya bagi sesi pengajaran dan pembelajaran yang berasaskan *Online & Distance Learning (ODL)*.

Dalam tempoh PKP ini, semua warga UiTM boleh menggunakan perkhidmatan digital dan kemudahan akses sumber bahan elektronik langganan perpustakaan dan *Open Access* secara percuma.

i. Perkhidmatan Atas Talian

Contohnya:- Portal Perpustakaan, *Chat with Librarian*, MOOCs@PTAR, *Online Public Access Catalog - OPAC*

ii. Kemudahan rujukan sumber bahan elektronik perpustakaan dan *open access*.

- a) Koleksi Repositori Institusi
- b) Koleksi Kertas Peperiksaan
- c) Sumber bahan rujukan elektronik langganan PTAR terdiri daripada:
 - 36 pangkalan data atas talian (lebih 1.7 juta judul artikel)
 - 17, 526 judul *eBooks*
- d) *Open Access Discovery* merupakan platform yang disediakan oleh PTAR kepada pengguna untuk mendapatkan bahan-bahan akses terbuka dari seluruh dunia.

Perkhidmatan perpustakaan digital ini boleh digunakan dengan merujuk tatacara penggunaan perkhidmatan perpustakaan digital. (Lampiran 1)

3.2 Perkhidmatan Pinjaman Sumber Rujukan Bercetak

- i. Pada tempoh PKP ini, perkhidmatan pinjaman buku bercetak diberikan kepada pengguna bagi tujuan rujukan pembelajaran, pengajaran dan penyelidikan. Pinjaman bahan adalah mengikut kelayakan jumlah naskhah dan tempoh peminjaman.
- ii. Pinjaman buku bercetak akan dihantar menggunakan pos berdaftar kepada pengguna melalui Pusat Mel UiTM.
- iii. Pinjaman bahan adalah mengikut kategori kelayakan jumlah naskhah dan tempoh peminjaman.

Perkhidmatan ini boleh digunakan dengan merujuk tatacara permohonan pinjaman buku bercetak. (Lampiran 2)

4.0 TARIKH DIKELUARKAN

Pekeliling dikeluarkan pada 16 April 2020

5.0 TARIKH KUATKUASA

Pekeliling ini berkuatkuasa pada 16 April 2020

6.0 PEMAKAIAN

- 6.1 Pekeliling ini adalah terpakai kepada semua Perpustakaan Universiti Teknologi MARA dan untuk **edaran dalaman sahaja**.
- 6.2 Tempoh pelaksanaan ini adalah tertakluk kepada perkembangan terkini wabak COVID-19, arahan Kementerian Kesihatan Malaysia dan Universiti.



Ts. NOOR HIDAYAT BIN ADNAN
Ketua Pustakawan

Salinan kepada:

Naib Canselor

Timbalan Naib Canselor Akademik dan Antarabangsa

Semua Rektor UiTM Cawangan

Semua Dekan Fakulti

Semua Ketua Jabatan / Bahagian/ Unit/ Perpustakaan Fakulti

Semua Ketua Perpustakaan UiTM Cawangan

Semua staf Perpustakaan UiTM

Rujukan Kami : 100-PTAR (PT.6/1)